

廣成集卷之四

敬四

上郡太清宮為供奉應制文章大德賜紫冠先聖撰

戶部張相公修遷拔明真齋詞

臣聞太上開圖元皇演教三籙定金明之典
 功被人天九幽懸玉匱之科惠周存歿竊奉
 經旨遵接玄文仰祈遷拔之恩輒備懺陳之
 懇今月二十五日是臣先妣唐楚園夫人蜀
 追封宋國太夫人劉氏忌辰本月三十日是
 臣先考唐丞相太子太師致仕蜀追贈太尉
 忌辰謹資油燭香花供養之具於成都府玉
 局化北帝院奉修靈寶明真道場一晝一夜
 道士一十四人三時行道三時轉經對乾象
 以披心馳香龍而上奏伏惟高尊闕鑒眾聖
 垂光普告四司開明三界降九龍符命開長
 夜寒庭鍊冰形魂遷拔神爽出玄陰之府入
 洞陽之宮罪咎蠲消冤讎解釋落名地簡列
 籍道階輪轉福鄉克登仙品九玄幽識咸速
 超昇誓勤修奉之心上答真靈之澤

張氏國太夫人就宅修黃籙齋詞

伏以妙道玄功濟時佐國具經秘旨拯物救

人肇宏規於億劫之前弘大化於萬天之內
 宗之者儲祥約祐修之者駕景登晨披究古
 今昭彰典誥張氏克承楨規運偶聖明被沐
 天光輝華帝澤循懷顧分常抱兢憂省已修
 躬每為炯戒實恐世之積瑕未懺此生之
 累曩將深幽陰有註訟之書冥漠有考延之
 籍又張氏今年天符臨於木墓之位晴曜住
 於飛化之年火星照於身宮仍當剋之性分
 大運逢王金之上火力稍微小運值生金之
 鄉木氣已薄緬思厄會倍用憂慮竊惟大道
 無方施恩普洽式申虔祝必介休祥是用頌
 潔丹心修崇黃籙像瑤壇而肅列按瓊輶以
 敷陳質信諸天燭蘭缸於午夜告明三界飄
 檀蕙於九時露懇馳誠希恩悔過伏惟高尊
 太上萬聖千真憫鑒叩祈昭宣溥澤勅天司
 地府命陰職陽察黑簿落名青宮著錄和年
 積訟消解究讎北都除執對之篇年齡增遠
 南極定延長之紀祿祚尤宜五行祛災滯之
 文九曜息照臨之咎常歡舞日永履堯天春
 屬樂康子孫忠孝九玄七祖往逝先亡或拘

滯昏衝未超福路願承道力便遂往生利祐
 見存允蒙貞吉其有三徒六趣夜府寒卿亦
 因穢滯之緣盡獲道遷之果陰陽將更宅宇
 龍神長悅豫以安寧俾凶衰而殄息上願皇
 圖遐廣聖壽延洪下年克大於姬周享祚更
 隆於英漢震瀛一統書軌混同共頌捧日之
 心咸沐自天之祐

奉化宗祐侍中黃籙齋詞

伏聞道本無為降元精而生二象象而後數
 羅五緯而備群形維地履天無違於律曆陽
 舒陰慘咸繫於裁成由是善惡循環吉凶倚
 伏乾剛坤載不能排九六之期培魄為輪不
 能革盈虧之勢況乎二儀稟質三命定生未
 超變化之機固有推遷之理是宜兢慎省己
 審過知非常加策勵之心冀動真靈之鑒臣
 夙承玄蔭早沐洪休運偶睿明身叨寵任推
 忠陳力未申匡濟之勞胡聖扶天累荷超逾
 之渥將壇相印委過益隆倉颉行師徽榮彌
 厚戒滿盈而徒切報君父以何階尚恐動靜
 行藏有乖於素分屬心舉念有忤於神明或

在公有失於賞刑統衆有愆於裁斷或往世之尤違未解或積生之克債未祛有一於斯皆宜懺滌又今年二運俱逢於墓位飛天仍值於火星雖居華蓋祿德之方恐有刑剋照臨之數以茲兢懼倍切懇誠徐氏年運之中亦有災滯大小二運金火氣微飛官過於計都天符臨於生月恐為災滯志在懺祈是敢恭備信儀虔申齋潔按玄都品格修黃錄遺場嚴香花於二日六時召真聖於諸天諸地凝神注念瀝懇披心伏惟萬聖迴光衆真流鑒憫其丹款錫以休祥赦已往之罪愆息將來之厄滯明星暗曜無臨照之凶三命五行除街妨之會究仇和釋債訟消平嗣胤繁昌壽祿延益九玄蒙福幽夜開光眷屬康寧龍神安豫上願聖躬萬壽天業永昌布聲教於九圍咸歡舞澤滌車書於八極共樂堯仁百穀豐盈六氣均暢誓傾忠孝上酬英睿之慈克勵精誠仰副真靈之祐

上官子榮黃錄齋詞

伏以大道玄功至真妙感隨方流既應合垂

慈佐國濟人恩周於動植植災降福惠及於幽明凡所啓祈必蒙昭鑒某氏以今年大小行運之內恐三命衰微陰陽宿曜之中恐五星臨照致成災厄無所告祈竊聞黃錄妙齋功德廣大無災不解無厄不穰輒罄丹誠冀蒙玄祐謹依科法開置壇場三日香燈九時懺謝至真冥應有感必通伏願三境諸天高真衆聖降無涯之澤垂廣覆之恩為某氏解除積世罪瑕多生冤債隨懺隨消早應時除蕩眷屬安貞公私和泰誓傾忠孝永奉聖期

飛龍唐裔僕射受正一籙詞

伏聞冥寂之初混元之首道生一氣分彼兩儀陰陽有昇降之殊清濁有仙凡之異是則紫清金闕高居太妙之庭黃軸風闌下鎮窮泉之域隨機築感因生進退之疑委跡沉浮運有飄零之痛既非先覺必在指迷玄元皇帝當東漢之季年啟南宮之寶笈首傳其錄大拯群生修之則駕景冲虛行之則濟人佐國或滂平氣洽或懲革光妖正日月之天元風雲叶候靜災邪於地紀生植無愆歷代所

尊垂休靡極臣風承道廢獲奉皇慈功輕而渥澤愈隆力薄而君親未報常思熏竄秘錄宗受靈文勤旦夕之香燈勵精虔而禱祝所冀家國同納福祥今則嚴備信儀恭開壇禪通霄懺滌藉首歸依簡燈夜燭於九冥檀炷晨飛於三境恭馳懇款冀達尊靈伏惟

太上三尊玄元大帝十方衆聖三洞威神鑒丹懇之誠賜感通之應靈官真氣咸賜授傳使內保身安外祛災沴名跡道籍罪滅陰曹九玄雜積夜之鄉永棲長樂舉族享無涯之善常未休明算壽遐延公私清泰上願龍圖攸久鳳曆延洪增聖壽於無疆乾坤共永布皇恩於有掖海岳咸安同為至道之風共暢無為之化

皇太子青城山修齋詞

臣聞靈寶陳規齋戒感希夷之兆真文設教行箴通修鍊之功莫不啓之於心弘之於道上可以虔祈穹昊昭達玄微次可以宣布情誠抵延福祐永言情信敢薦虔恭伏以皇帝劃地開基法天垂覆定禍亂而爰承土德闡

凝光於太極之先散淳一之根潛分步驟鼓
生三之氣以制靈藏所以乘龍翬氣之君畫
卦垂衣之后順教道要創厥皇基恢妙用而
福案中布神功而利天下昭彰帝紀炳蔚人
文允屬唐朝誕應天聰皇帝儀乾受命應運
開圖繼軒黃帝項之靈源茂夏父文王之至
德纂承土運光啓金衡瑞璇宸以穆清恭唐
虞而真正思洽大同之理以康九土之民稼
穡連豐華茂咸泰皇儲輝重明之美遐方贊
有道之風中外恬美生靈輯睦况屬三元令
序大有昌辰宜虔齋潔之誠共祝君親之壽
梯瑤壇而展禮按金錄以陳儀龍銖質心香
花備信焰九光之蓮炬下照冥津飄三素之
檀煙上闡真域必冀三天降祐萬聖延慈宗
社隆昌寶圖步鎮齊乾坤於聖壽等日月於
睿明文德武功綏寧八柱天枝寶胤輝映萬
齡儲皇享椿桂之年常扶大業妃后繁縟繁
之德共翼宸居朱邸清朝彌臻景貺外藩內
輔益履殊榮常樂雍熙皆登富壽其有宿殃
積累往情前究年辰命運之爰算紀飛棋之

厄乘茲懺謝並乞消平即冀宗廟尊靈生神
三境臣等九玄七祖受福諸天貽祚流祥傳
休無極上願天文昭著象緯澄清回直符太
一之旗息玉慧金芒之耀滂愛惠於井參之
野延福祥於梁益之墟九穀無虞五兵斯戢
螟蝗水旱無肆於農功疫癘凶荒靡昨災
於閭里幽關舒泰品類滋榮海岳歸仁寰區
稟化至有立功將士往逝都頭勳著勤王忠
推致命每因齋薦皆為懺祈必離冥漠之鄉
更遂逍遙之適或幽陰尚滯渙澤未霑或嗣
續已無真羞多關九宮符命即為遷神三錄
洪恩俱全濟苦多為痲癘速詣福廷動植飛
沉盡登真道

皇帝修符瑞報恩齋詞

振得銅牌長七寸廣四寸上有六十字老子
通天記云丁卯年甲戌乙亥人王生享二百
年天子王從建王元膺王萬感王徽王則王
道宜五字篆文後云北邙化張弘道天寶留
此明聖代欽承玄貺友佩靈符識大道之垂
休知卜年之惟永爰傾丹懇用答殊休按九
等之科儀修靈寶之法事所願丹心徑達聖
鑒俯臨社稷木昌休徵必應四時合序萬物
以嘉俾令率土之賓盡保無疆之福稽首謹
詞

黃齊助中元黃錄齋詞助然燈詞
伏聞三元大宥乃諸天降福之辰九夜長幽
是厚地重陰之境將消積暗爰假神燈上納
三光下照群爽經科所重濟護收先今屬序
屆中元壇開黃錄三時朝懺萬罪彌消報備
香油同申供養伏冀驚輝風焰燦光地府之
中星布蓮敷散景泉扁之內盡迴苦趣永出
冥津九祖生天六親介福災祛未兆善洽無
疆奉上安家並希元吉

黃齊為二亡男助黃錄齋詞

臣聞包容萬象至道為亨育之尊弘濟群生
 天尊演虛無之道莫不思覃纖芥澤普存亡
 明其開玉匱之書長夜釋重陰之苦丹誠上
 感玄貺必臻臣過咎夙彰神明垂譴纒逾一
 月繼喪二男憔悴中年寂寥孤影痛蒸膏之
 時絕念冥漠以何依懼彼營魂尚為拘滯伏
 思遷拔唯仗焚修捨其服用之資助此香燈
 之會涼韻聲應闕泉曲之中秋月凝壇想
 照夜臺之下願乘齋福俱出幽關鍊魄朱宮
 生神絳府各遂逍遙之路盡登清淨之鄉永
 奉正真長居道域人間天上終際會於善緣
 萬劫千生更團圓於眷屬昭昭願力真聖鑒
 知不任涕咽虔祈之至

趙部助上元黃籙齋詞 三首

至道流慈元皇垂貺三宮四赦爰乎作解之
 恩品物昭榮共樂如春之澤皇壇巨祐幽顯
 無遠臣以庸愚叨逢聖運早承寵祿常戒滿
 盈猶恐年歷之間星辰之內因經厄會尤切
 兢憂輒因黃籙道場虔中悔謝仰希上聖俯
 鑒冲襟密賜福祥替祛災咎壽年增益家春

康宜存歿幽明同臻景祐

中元

律移朱夏節應素秋鼓夷則於西郊欽火雲
 於南極裁非戒惡允屬茲辰猥以塵凡叨親
 道化身恭丹籙名隸玄臺而過尤易結世網
 難祛動靜行藏未混融於大道年辰宿曜猶
 纏集於眾災輒因黃籙寶壇助營香供冀蒙
 聖力俯鑒愚衷開罪書而解赦愆尤豁塵累
 而蕩蠲厄難九玄受賜舉族霑榮永承祐護
 之恩誓竭歸依之願

下元

臣以宿因獲承積祐早參職務忝官榮而
 所主重難常深憂懼尚慮行年災滯星曜加
 臨遂履因蒙英和祈告今屬玄冥屆節永帝
 司辰星杓方指於孟冬朔氣正雄於北陸年
 先遷算修奉彌專敢因九奏之理虔瞻上聖
 盡瀝萬重之懇願降殊慈賜臣罪咎消平災
 凶於息前寬宿債乘功德以和寧往世今生
 荷懺祈而濟拔九玄享福舉族霑榮克承悃
 祐之功永勵歸依之懇

馮清大夫助上元齋詞

伏以大道垂文澤周存歿天尊演化恩及幽
 明廣敷九等之科以拯重冥之苦敢持素懇
 仰叩玄關今月二十六日亡妣隴西郡君贈
 隴西郡太夫人李氏忌齋詣玉局靈壇因上
 元勝會同修香供用禱福祥伏願亡妣鍊景
 朱陵棲神玄圃悟澹希夷之道契長生永
 劫之真玄會無為克臻妙果

中元

伏聞黃籙明科紫陽具典玄元勝力丹簡宣
 恩拯拔幽沉照臨冥夜古今宗稟生死銜恩
 有感必通所祈克應今月二十六日是巨亡
 妣贈隴西郡太夫人忌辰輒因玉局壇場中
 元齋薦同申修奉冀達真靈伏願亡妣乘此
 福緣高昇道境遊神碧落煒影丹臺永登快
 樂之鄉克證希夷之道

下元

伏以黑帝御時玄冥肇序下元勝會大有昌
 辰所宜虔祝上真勵精下土用祈禎貺以福
 存亡今以玉局靈壇瑤展禮輒持法信用

17 B 08 1

助齋誠敢希衆聖鑒臨萬真昭祐九玄開度
超離冥漠之鄉五族叶和長荷聖員之福災
凶殄息罪咎消平永誓丹襟仰承洪澤

周庠負外助上元齋詞

伏聞齋敷九等節啓三元是萬方禱福之辰

是衆聖宣恩之日今屬玄元真化玉局靈壇
陳黃籙之儀按玄都之品九時奏御三日焚
修精助香燈同申懺滌伏冀高尊錫祐大道
流慈採納精誠降頒鴻福九祖速超昇之願
六親霑覆護之仁消厄滯於將來解冤離於
既枉罪咎原釋疾苦痊平壽祿增延凶災除
蕩克叶發生之德敢忘大道之恩

下元

伏以玄帝司辰水官統序乃諸福延恩之節
是凝心滌慮之期况玉局仙蹤瑤壇感禮九
時焚祝必介於林植三日齋莊敢同於懺謝
所冀災纏殄息冤債消平罪咎咸蠲存亡共
泰永虔修奉以答玄慈

盧蔚大夫助上元齋詞

伏以大道周行三元立訓陟明考校毫末無

遺巨早慕玄虛風宗清淨每展恪勤之懇以
祈昭祐之慈今以玉局靈壇上元福會報實
香燭同助焚修所祈消解灾凶滌除罪咎蠲
平疾厄延益年齡善功克被於存亡禎脫旁
周於眷屬永動丹襟仰副玄慈

上元

伏以考校良辰先春令序當上元陟明之節
乃群生舒泰之期式馨齋誠以申虔祝今屬
錦都靈化玉局瑤壇啓黃籙之真儀展玄科
之盛禮輒持香信同助良因伏惟衆聖垂慈
萬真昭鑒憫其修奉錫以禎祥惠普存亡遐
祛罪咎解災纏於未兆增祿壽於惟新永勵
丹心上副玄貺

中元

伏以四始周行三元定錄陟明顯晦考校無
遺巨素奉道科早師玄寂每逢良會必勵修
崇本以玉局朝元霜壇薦獻事輒費香燭崇助
齋功所祈大有之恩允降自天之澤疾恙痊
愈祿算增延仰薦先靈旁沾眷屬永承丕祐
欽贊元勳不任歸命丹切之至

下元

伏以水德配時玄冬叶候當二氣謹嚴之節
是諸天校會之期所宜勵志重玄凝心至道
滌瑕悔過請福希恩况玉局皇壇錦城福會
敢營香幣同助齋修三日肅虔九時懺懺冀
蒙昭祐廣賜休祥賜臣玄祖超昇陰冥開泰
存亡濟度災咎銷平釋冤債於夜庭落罪尤
於地簡疾厄痊復昇紀遐長誓傾嚴奉之誠
常副真靈之祐
廣成集卷之四